

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- भारत नै जम्मू कश्मीर बारे पाकिस्तान दे ब्यान गी खारज करदे होई आखेआ ऐ जे पाकिस्तान बन्ने पारा आतंकवाद बंद करै।
- उपराज्यपाल मनोज सिन्हा होरें आखेआ ऐ जे तालीम दी ताकत दा इस्तेमाल करियै अस्स विकसित भारत दा निर्माण करी सकने आं।
- उत्तरी कमान अध्यक्ष लैफ्टिनेंट एम.वी.सुचेन्द्रा होरें व्हाइट नाईट कारे दिएं तैआरिं दा जायजा लैता।
- स्पेस एक्स ते नाया नै अमरीकी इंटरिक्ष यात्रर सुनिता बिलियम्स ते बुच विलमोर गी अंतर्राष्ट्री स्पेस स्टेशन थमां वापस धरती पर आह्न्ने लेई मिशन रवाना कीता।
- महिला प्रीमियर लीग च अज्ज मुंबई इंडियन्स दा मकाबला दिल्ली कैपिटल्स कन्नै होग।

<><><><><><>

UN-Pak Remarks

संयुक्त राष्ट्र च भारत दे स्थाई प्रतिनिधि पर्वतनैनी हरीष होरें जम्मू कश्मीर बारे पाकिस्तान दी गैर जरूर ीते बेमतलब टिप्पणी दी सख्ती नै नुख्ताचीनी करदे होई सिरें थमां खारज करी दित्ता ऐ। संयुक्त राष्ट्र च बोलदे होई उनें आखेआ जे पाकिस्तान आस्सेआ बार बार खामखाह दे दावे करने नै ना ते ओह्दी स्थिति मान्य होई सकदी ऐ ते नां गै बन्ने पारा ओह्दे आस्सेआ चलाए जा'रदे आतंकवाद गी जायज ठैहराया जाई सकदा ऐ। उनें जोर देइयै आखेआ जे जम्मू कश्मीर भारत दा अनन्वुट्ट हिस्सा हा, ऐ ते म्हेशां बने दा रौहग। हरीष होरें पाकिस्तान च धार्मिक समुदाएं पर जुल्म ते हिंसा च उपरोतली होआ'रदे बाद्धे गी बी उजागर कीता ते धार्मिक बरोबरी लेई कुलसंसारी वचनबद्धता दा आह्वान कीता। उनें दुनिया दे देशें अगगे अपील कीती जे ओ इस गल्लै गी जकीनी बनान ते दुनिया च कुसै बी मुख्य च शिक्षा बवस्था कट्टरता गी बढ़ावा नेई दे ते हर इक नागरिक लेई बरोबरी दे अधिकार मिलना सुनिश्चित होए।

<><><><><><>

India-Pakistan Baloch

भारत नै पाकिस्तान दे उनें आरोपें दा खंडन कीता ऐ जिंदे च उनें बलोचिस्तान च रेलगड्डी दे हाईजैक होने आली घटना दे पिछे भारत दा हत्थ होने दी गल्ल आक्खी। पाकिस्तान दी तरफा कीती गेदी टिप्पणी पर प्रतिक्रिया दिंदे होई विदेश मंत्रालय दे प्रवक्ता रणधीर जैसवाल होरें आखेआ जे भारत पाकिस्तान आस्सेआ लाए गेदे इनें बुनियादी आरोपें गी सिरे थमां खारज करदा ऐ। उनें आखेआ जे पूरी दुनिया जानदी ऐ जे इस धरती उपपर आतंकवाद दी धुरी कुत्थें ऐ। जैसवाल होरें आखेआ जे पाकिस्तान गी लोड़चदा ऐ जे ओ होरने पर उंगल चुक्कने कोला पैहले अपने अंदर झांकियै दिक्खे, अपनिएं समस्याएं गी समझे ते अपनिएं नकामिएं दा दोष होरने दे सिरै पर मढ़ने कोला परहेज करै।

<><><><><><>

LG-Education

उपराज्यपाल मनोज सिन्हा होरें शिक्षकें गी अपील कीती ऐ जे ओह शिक्षा प्रणाली गी पूरे पराते ढांचे च तब्दील करन तां जे बौधिक विकास ते नैतिक इकजुटता दा बाद्धा होई सकै। उनें एह गल्ल नमीं दिल्ली च कल आध्यात्मिक ते नैतिक शिक्षा सम्मेलन गी संबोधत करदे होई आक्खी। इस मौके उपराज्यपाल होरें नमें हुनर ते काह्डें दे कन्नो कन्नी नैतिक मूल्यें गी जोड़ने पर जोर पाया जेहदे कन्नै समाज मता जागरूक होइ सकै ते आर्थिक विकास दी बत्ता पर लगातार अगगे बधे। सिन्हा होरें आखेआ जे नैतिक मूल्यें पर आधारित शिक्षा प्रणाली “विकसित भारत” दे धेइयै गी पूरा करने च खरा मता योगदान देई सकदी ऐ। उपराज्यपाल होरें आखेआ.....

<><><><><><>

Road Sefety

शिड़क हादसें दौरान लोकें दे जख्मी ते होने आहिलियें मौतें पर रोक लाने दे मकसद कन्नै जम्मू-कश्मीर सरकार नै जम्मू-कश्मीर सड़क सुरक्षा नीति 2025 गी अधिसूचित कीता ऐ। नमी नीति च सरकार नै 2030 तगर शिड़क हादसें ते मौतें च 50 फीसदी कमी लेआने दा लक्ष्य रक्खेआ ऐ। एहदे च राज्य सड़क सुरक्षा परिषद दा गठन करियै संस्थागत बवस्था गी निगगर कीता गेआ ऐ जेदी नुमायंदगी ट्रांसपोर्ट मंत्री करंगन ते इक्क मुख एजेंसी दी नुमायंदगी अतिरिक्त ट्रांसपोर्ट कमिशनर सतह दे अफसर करंगन। सरकार शिड़क हादसें गी घट्ट करने आस्तै निर्धारित समें अंदर ऐसी शिड़कें दी हालत च सुधार आन्नग जित्थें हादसें दा मता खतरा बने दा रौहदा ऐ।

<><><><><><>

Budget Reaction

हालिया जम्मू कश्मीर बजट घोषणा कन्नै सकारात्मक प्रतिक्रिया दिक्खने गी लब्धी ऐ, लोक एहदी सराहना करा'रदे न, की जे केई नमीं शुरूआतां लोकें दे सशक्तिकरण पर आधारित ऐ। जम्मू कश्मीर दे लोक सरकारी ते ई—बसें च महिलाएं आस्तै मुफ्त सफर दी सुविधा देने आस्तै मुख्यमंत्री हुंदा आभार प्रगट करा'रदे न। इस शुरूआत कन्नै सुरक्षा, आत्म निर्भरता, शिक्षा तोड़ी पुज्ज बधी जाग ते रोजगार ते मौके बी बधगन। किश्तवाड़ दी आबरू वाजिद दे इस सहूलत बारे बोलदे होई आखेआ

<><><><><><>

GoC-North Cammand Visit

राश्ट्री सुरक्षा गी निगगर बनाने दे मकसद कन्नै उत्तरी कमान दे जनरल आफिसर—इन—चीफ लैफ्टिनेंट जनरल एम.बी.सुचिन्द्रा कुमार होरें व्हाईट नाईट कोर्प्स दा दौरा लाइयै उंदी प्रतिक्रिया सरबन्धी तैआरी ते मजूदा सुरक्षा चुनौतिएं दा जायजा लैता। इस दौरे कन्नै तैआर रौहन ते तक्क रखने दी प्रणाली गी कायम रखने दी महत्वता उजागर होंदी ऐ जेह्डी गै क्षेत्र च चला'रदी आतंकवाद—रोधी कारवाइएं पर मता जोर पांदी ऐ। अपने दौरे दरान सेना कमांडर होरें पक्की प्रतिबद्धता ते बहादुरी आस्तै जवानें दी सराहना कीती ते उभरदी चुनौतिएं ते खतरें थमां देश दी रक्षा करने ते आतंकवाद गी रोकने च उंदे योगदान गी अहम दस्सेआ।

<><><><><><>

SpaceX Sunita Williams

स्पेसएक्स ते नासा नै अमरीकी अंतरिक्ष यात्री सुनीता विलियम्स ते बुच विल्मोर होरें'गी अंतराश्ट्री अंतरिक्ष स्टेशन थमां वापस आहनने आस्तै इक मिशन शुरू कीता ऐ। सुनीता ते बुच चिच्छले 9एं म्हीनें थमां अंतरिक्ष स्टेशन च फसे दे न। क्रू—10 मिशन पर ड्रैगन स्पेसक्राफ्ट दे कन्नै फाल्कन—नाइन रॉकेट दा कल रातीं प्रक्षेपण होआ। मिशन दे तैहत अंतरिक्ष स्टेशन लेई चार क्रू सदस्यें गी बी भेजेआ गेआ ऐ। सुनीता विलियम्स ते बुच विल्मोर पिच्छले ब'रे जून म्हीने अंतरिक्ष स्टेशन च गे हे। दौनें गी तकरीबन इक हफ्ते तगर अंतरिक्ष स्टेशन पर रौहना हा।

<><><><><><>

PM-Surya Ghar

डोडा दे जिला विकास कमीशनर हरविंदर सिंह होरें कल बिजली विकास मैह्कमे दे अधिकारिएं कन्नै इक बैठक लाइयै जिले च प्रधानमंत्री सूर्य घर मुफ्त बिजली योजना तैह्त होआ'रदे कम्में कारवाइएं दी प्रगति दी समीक्षा कीती। बैठक दरान डीसी होरें इस स्कीम राएं आम लोकें गी पुज्जने आले फायदे गिनाए ते आखेआ जे एह्दे नै ना छड़ा लोकें दा बिजली दा खर्चा बचदा ऐ सगुआं एह्दे नै बिजली दी कमी गी दूर करने लेई टिकाऊ हल्ल हासल करने च बी मदद थ्होंदी ऐ। उनें आखेआ एह्दे तैह्त सरकार लोकें गी उंदे घर पर सब्सिडी पर सोलर पैनल लोआंदी ऐ जेह्दे नै उनेंगी औंदन बी हासल होंदी ऐ। साढ़े जिला संवाददाता फैयाज पांपोरी कन्नै गल्ल करदे होई जिला विकास कमीशनर हरविंदर सिंह होरें आखेआ

<><><><><><>

WPL

अज्ज महिला प्रीमियर लीग दा फाइनल मकाबला ऐ जेह्दे च मुंबई इंडियन्स ते दिल्ली कैपिटल्स दियां टीमां आमने सामने होंगन। एह मैच मुंबई दे ब्रैबर्न स्टेडियम च संजा साढ़े 7 बजे शुरू होग। मैग लैनिंग दी अगुवाई च दिल्ली कैपिटल्स दी स्थिति मती मजबूत ऐ की जे उन्ने इस लीग च खेड़डे गेदे 8एं मैचें चा 5एं च जित्त हासल करियै सिद्धे फाइनल च थाहर हासल कीती दी ऐ जेह्दे चलदे टीम दा आत्म विश्वास बी शानदार ऐ।

<><><><><><>